

БУЮК АЖДОДЛАРИМИЗНИНГ ВАТАН ОЛДИДАГИ ХИЗМАТЛАРИ АВЛОДЛАР УЧУН ИБРАТ МАКТАБИДИР

29 август куни Урганч шахрида Жалолиддин Мангуберди ёдгорлик мажмуасининг тантанали очилиш маросими бўлди.



Маросимга Ўзбекистон Республикаси Президенти Шавкат Мирзиёев таширф буюриб, жамоатчилик вакиллари билан бир-галикда ҳайкални очди. Давлат мадҳияси янгради.

Мамлакатимиз раҳбари ўз нутқида сар-

карданинг шахсияти, тарихда тутган ўрни-ни алоҳида эътироф этди.

— Жалолиддин Мангуберди эл-юрт истиклоли учун курашган, шу йўлда азиз жо-нини қурбон қилган аجدодларимизнинг буюк намояндасидир. Она юртга муҳаб-

бат ва садоқат, ор-номус ва шон-шараф бобида Жалолиддин Мангубердига тенг келадиган улуғ шахслар дунёда камдан-кам учрайди, — деди Шавкат Мирзиёев.

Жалолиддин 1198 йилда туғилган ва қисқа умри давомида тарихда унутил-



мас из қолдирган қаҳрамон шахсдир. У мўғуллар қўшини даҳшатидан ҳамма ўзини олиб қочган пайтда, атиги 21 ёшида қўрқмасдан майдонга чиққан. 11 йил давомида мўғул босқинчилари-га қарши 300 дан ортиқ жангларда иш-

тирок этиб, уларни титратган. Хатто Чингизхондек буюк ҳукмдор ҳам унинг матонатини кўриб: “Бундай қаҳрамон фарзанди бор ота нақадар бахтлидир”, деб тан берган. Жасур шахзода тақ-дирнинг қалтис синовларини мардона

енгиб ўтиб, 32 ёшда хоинлар қўлида ҳалок бўлган.

(Давоми 2-бетда).

Ўзбекистон Республикаси Президенти Матбуот хизмати суратлари.

ЧИНАКАМ МАРДЛИК ВА ВАТАНГА ЧЕКСИЗ САДОҚАТНИНГ ЁРҚИН ТИМСОЛИ

Ўзбекистон Республикаси Президенти Шавкат Мирзиёевнинг Урганч шахрида Жалолиддин Мангуберди ҳайкалининг очилишига бағишланган тантанали маросимдаги нутқи

Ассалому алайкум, азиз ватандошлар! Муҳтарам меҳмонлар! Қадрли Хоразм аҳли! Бугун Мустақиллик байрами арафасида халқимиз-нинг буюк фарзанди Жалолиддин Мангуберди хоти-расига бағишлаб бунёд этилган муҳташам ёдгорлик мажмуасини тантанали равишда очмоқдамиз.

Ҳеч шубҳасиз, бунда чуқур рамзий маъно бор. Нега деганда, **дунёдаги энг улкан қаҳрамон-лик — бу Ватан мустақиллиги ва озодлиги йўлида кўрсатилган мардлик ва жасорат-**

дир. Бундай қаҳрамонлик асло унутилмай-ди, ҳамиша халқ қалбида яшайди. Жалолиддин Мангуберди эл-юрт истиклоли учун курашган, бунга ўз ҳаётини бағишлаган аждодла-римизнинг буюк намояндасидир.

Она юртга муҳаббат ва садоқат, ор-номус ва шон-шараф бобида унга тенг келадиган улуғ шахслар дунёда камдан-кам учрайди, десак, айни ҳақиқатни айтган бўламиз. Бу фикримизни донишманд аллома ва одил ҳукмдор Мирзо Улугбекнинг: **“Олам аҳли Жалолиддиндан олдин ҳам, кейин ҳам бундай**

баҳодир жангчини кўрмаган. Бу зотнинг азму шижоати олдида ҳатто буюклиkning ўзи ҳам таъзим қилади”, деган сўзлари яққол тасдиқлайди.

Султон Жалолиддин ўн бир йил давомида мўғул босқинчиларига қарши 300 дан ортиқ жангларда иштирок этиб, ёвларни титратиб келди. Бундай жа-сорат ҳар қандай одамни ҳам хайратда қолдиради.

Енгилмас саркарданинг Синд дарёси бўйида ўз қўшинидан тўрт марта кўп бўлган Чингизхон қўши-нига мардона қарши чиққанини эслайлик. Ёки Ис-фахон яқинидаги жангда, бор-йўғи, 14 нафар аска-

ри билан мингдан зиёд мўғул лашкарининг қуршо-вини ёриб ўтганини ёдга олайлик.

Хатто Чингизхондек саркарда ҳам унинг мато-натини кўриб: **“Жалолиддиндек қаҳрамон фар-занди бор ота нақадар бахтлидир”**, деб тан беришга мажбур бўлган.

Султон Жалолиддин жанговар фаолияти билан на-фақат ўз юртини, балки дунёдаги ўнлаб мамлакатлар-ни ҳам мўғул ҳужумидан ҳимоя қилганини жаҳон аҳли эътироф этади. Бутун умри урушда ўтган бўлишига қарамасдан, у оғир ва мураккаб даврларда ҳам илм-

маърифат ҳимйиси сифатида масжид ва мадрасалар, қарвонсаройлар, қалъалар, йўл ва кўприклар қурдирган.

Тақдирнинг қалтис синовларини мардона енгиб ўтган, 32 ёшда ҳалок бўлган азамат аждодимиз-нинг ҳаёт йўли, шахсияти ва жасорати барчамизга асло эскирмайдиган бир ҳақиқатни ўқтиради:

Ватан озодлиги, Ватан манфаати йўли-да бирлашиб, мардимайдон бўлиб кураш-га бел боғлаган халқни ҳеч қандай куч ҳеч қачон енга олмайди.

(Давоми 2-бетда).

ГЕРМАНИЯ ПРЕЗИДЕНТИ ЎЗБЕКИСТОН ЕТАКЧИСИ ВА КЎП МИЛЛАТЛИ ХАЛҚНИ МУСТАҚИЛАЛИК КУНИ БИЛАН ТАБРИКЛАДИ

Ўзбекистон Республикаси Президенти Шавкат Мирзиёев 29 август куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Кўп қиррали Ўзбекистон — Германия ҳамкорлигини янада ривожлантириш ҳамда минтақавий шериклиkning долзарб ма-салалари кўриб чиқилди.

Сўхбат аввалида Германия Президенти давлатимиз раҳбари ва кўп миллатли халқимизни мамлакатимиз мустақиллигининг 31 йиллиги билан самимий қўтлади. Кейинги йилларда амалга оширилаётган ислохотлар дастурининг натижалари алоҳида қайд этилди, Янги Ўзбекистонда амалга оширилаётган демократик ва иқтисодий янгиланишлар қўллаб-қувватланди.

Етакчилар олий даражадаги келишувларни амалга ошириш натижасида икки томонлама муносабатларда юксак даражага эришилганини мамнуният билан қайд этдилар.

Жорий йил бошида ўзаро товар айирбошлаш 60 фоизга ўсди. Мамлакатимизда Германиянинг 200 дан зиёд етакчи ком-паниялари муваффақиятли фаолият юритмоқда. Утган ойда «Knauf», «Parepburg» ва «Falk Porsche» каби танқили қорхоналар Ўзбекистонда ўзларининг янги заводларини ишга туширди.

Шу йилнинг июль ойида Германия бизнесининг 100 дан ортиқ вакиллари иштирокида ўтган Ўзбекистон — Германия иш-билармонлар кенгашининг навбатдаги йиғилишидан сўнг иқти-содиётнинг юқори технологик тармоқларида 24 та янги инвес-тиция лойиҳасини тайёрлаш ва амалга ошириш бошланди.

Ўзаро манфаатли молиявий-техник ва маданий-гуманитар ҳамкорлик кенгайиб бормоқда. Юртимизда Гёте институти, Конрад Аденауэр ва Фридрих Эберт фондлари каби Германия-нинг бошқа ташкилотлари ҳам фаол иш олиб бормоқда.

Ўзбекистон ва Германия Президентлари амалий ҳамкор-ликнинг кенгайиши, шунингдек, узоқ муддатли шериклики ри-вожлантиришга қаратилган қўшма дастур ва лойиҳаларнинг илгари сурилишини қўллаб-қувватладилар.

Минтақавий ҳамкорлик, шу жумладан, Европа Иттифоқи до-ирасидаги конструктив мулоқотни ривожлантириш масалала-рига алоҳида эътибор қаратилди. Афғонистонда узоқ муддатли тинчлиқни таъминлаш ва унинг ижтимоий-иқтисодий тиклани-шига кўмаклашиш мақсадида фаол ҳамкорликни давом этти-риш муҳим экани таъкидланди.

Ўзбекистон ва Германия Президентларининг телефон орқали мулоқоти ҳар доимгидек самимий, очик ва дўстона руҳда ўтди.

Ў.А.

Ўзбекистон Республикаси Президентининг Ф А Р М О Н И

ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЎТТИЗ БИР ЙИЛЛИГИ МУНОСАБАТИ БИЛАН ДАВЛАТ ХИЗМАТЧИЛАРИ ҲАМДА ИШЛАБ ЧИҚАРИШ ВА ИЖТИМОЙ-ИҚТИСОДИЙ СОҲАЛАР ХОДИМЛАРИДАН БИР ГУРУҲНИ МУКОФОТЛАШ ТЎҒРИСИДА

Мамлакатимизнинг иқтисодий қудратини мустаҳкамлаш, барча соҳа ва тармоқларда ислохотлар-ни муваффақиятли амалга ошириш борасидаги кўп йиллик самарали меҳнати, юртимиз тараққиёти ва халқимиз фаровонлигини таъминлаш, Янги Ўзбекистоннинг халқро майдондаги обрў-эътибори ва нуфузини юксалтиришга қўшган муносиб ҳиссаси, илгор инновацион технологияларни амалиёт-га жорий қилиш, замонавий ишлаб чиқариш қувватларини барпо этиш, ҳудудлар инфратузилмасини жадал ривожлантиришдаги улкан хизматлари, жамиятимизда тинчлик ва барқарорлиқни, миллат-лараро тотувлиқни асраб-авайлаш, ёш авлодни Ватанга муҳаббат ва садоқат, миллий ва умумин-соний қадриятларга ҳурмат руҳида тарбиялаш ишларидаги ибратли фаолияти ҳамда ижтимоий ҳаётдаги фаол иштироки учун қўйидагилар мукофотлансин:

(Давоми 2, 3-бетларда).

Ўзбекистон Республикаси Президентининг Ф А Р М О Н И

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ БИР ЙИЛЛИГИ МУНОСАБАТИ БИЛАН БИР ГУРУҲ ЧЕТ ЭЛ ФУҚАРОЛАРИНИ МУКОФОТЛАШ ТЎҒРИСИДА

Давлатларимиз ўртасидаги кўп қиррали ва ўзаро манфаатли ҳамкорликни ҳар томонлама ривожлантириш, шериклик муносабатларини янада чуқурлаштириш, сиёсий-дипломатик, савдо-иқтисодий, инвестициявий, таълим, илм-фан ва маданий-гуманитар соҳалардаги алоқаларни кенгайтиришга қўшаётган катта ҳиссаси, юртимизда амалга оширилаётган изчил ислохотлар ва улкан демократик ўзгаришларни, Ўзбекистон томонидан илгари сурилаётган глобал ва минтақавий ташаббусларни фаол қўллаб-қувватлаш, шунингдек, халқларимиз орасидаги дўстлик ва ҳамжihatлик ришталарини тобора мустаҳкамлаш, узоқ муддатли ва кенг қамровли муносабатларни янги босқичга кўтариш борасидаги самарали фаолияти учун қўйидагилар «Дўстлик» ордени билан мукофотлансин:

(Давоми 4-бетда).

Ўзбекистон Республикаси Президентининг Ф А Р М О Н И

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ БИР ЙИЛЛИГИ МУНОСАБАТИ БИЛАН ҲАРБЎЙ ХИЗМАТЧИЛАР ВА ҲУҚУҚНИ МУҲОҒАЗА ҚИЛИШ ОРГАНЛАРИ ХОДИМЛАРИДАН БИР ГУРУҲНИ МУКОФОТЛАШ ТЎҒРИСИДА

Мамлакатимиз Қуролли Кучларининг жанговар тайёргарлигини оширишдаги алоҳида хизмат-лари, миллий манфаатларимизни ҳимоя қилиш, қонун устуворлиги ва тинчлиқни таъминлаш, барқарорлик ва жамоат тартибини мустаҳкамлаш борасидаги шарафли бурчини бажариш чоғида мардлик, жасорат ва фидойилик кўрсатгани, соҳада юқори малакали кадрларни тайёрлаш, ёш авлодни она Ватанга муҳаббат ва садоқат руҳида тарбиялаш йўлидаги кўп йиллик самарали меҳнати ҳамда ижтимоий ҳаётдаги фаол иштироки учун қўйидагилар ордени ва медаллар билан мукофотлансин:

(Давоми 3-бетда).

Ўзбекистон Республикаси Президентининг Ф А Р М О Н И

ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЎТТИЗ БИР ЙИЛЛИГИ МУНОСАБАТИ БИЛАН ФАН, ТАЪЛИМ, СОҒЛИҚНИ САҚЛАШ, СПОРТ, АДАБИЁТ, МАДАНИЯТ, САНЪАТ СОҲАЛАРИ ВА ОММАВИЙ АХБОРОТ ВОСИТАЛАРИ ХОДИМЛАРИДАН БИР ГУРУҲНИ МУКОФОТЛАШ ТЎҒРИСИДА

Ватанимиз мустақиллигини мустаҳкамлаш, Янги Ўзбекистонни барпо этиш йўлида амалга оширилаётган ислохотларга қўшган муносиб ҳиссаси, ўзининг ёрқин истеъдоди, кенг қамровли ижодий, илмий-амалий фаолияти билан халқимиз маънавиятини юксалтириш, мамлакатимизда илм-фан, таълим, спорт, маданият ва санъат соҳаларини ривожлантириш, ёшларимизни она юртга чексиз муҳаббат ва садоқат, умуминсоний қадриятларга ҳурмат руҳида тарбиялаш йўлидаги самарали хизматлари ҳамда жамоат ишларидаги фаол иштироки учун қўйидагилар фахрий унвонлар билан тақдирлансин:

(Давоми 4-бетда).

